



Siège national
47 rue d Clichy
75311 Paris Cedex 09
Tél : 01 45 96 03 05

19 Septambra 2020 (Past Zaranaina ANDRIALAMPISON)

Mpitandrina : Amin'ny anaran'ny Ray sy ny Zanaka ary ny Fanahy Masina. Amena.

Hira : **4 FFPM and 1,4 « Mamy ny fitiana, ry Jehovah Tomponay »**

Vavaka (Mpitandrina)

Lohahevitra

Vakiteny 1: Mat 25, 1-10a

"1 Ary amin' izany ny fanjakan' ny lanitra dia ho tahaka ny virijina folo, izay nitondra ny fanalany ka nivoaka hitsena ny mpampakatra.2 Ary ny dimy tamin' ireo dia adala, fa ny dimy kosa hendry.3 Fa ny adala nandray ny fanalany, nefa tsy nitondra solika fitaiza;4 ary ny hendry kosa nitondra solika tao anatin' ny fitondrany sy ny fanalany.5 Ary raha naharitra ela ny mpampakatra, dia samy rendrehana avy izy rehetra, ka dia natory.6 Ary nony mamatonalina, dia nisy antso hoe: Indro ny mpampakatra! Mivoaha mba hitsena azy.7 Dia nitsangana ireo virijina ireo, ka samy namboatra ny fanalany.8 Dia hoy ny adala tamin' ny hendry: Mba omeo kely amin' ny solikareo izahay; fa efa ho faty ny fanalanay.9 Fa ny hendry namaly ka nanao hoe: Sao tsy ampy ho anay sy ho anareo, fa mandehana mankany amin' ny mpivarotra hianareo, ka mividiana ho anareo.10 Fa raha mbola lasa nividy izy, dia tonga ny mpampakatra..."

Hira : 485 FFPM and 1,2 « Moa Jesosy ve tsy ahy? Andriamanitra mahery»

Vavaka :

→Fisaorana an'Andriamanitra noho ny Teniny – izay mitarika antsika hivelona sy haharitra amin'izany Teniny izany.

→Vavaka fifonana noho ny heloka – noho ny tsi-finoana – ny tsy fivelomana amin'ny Tenin'Andriamanitra.

Vavaka (Mpitandrina)

Vakiteny 2: Mat 25, 10b-13

"...ary izay efa niomana dia niara-niditra taminy (tamin'ny mpampakatra) tao amin' ny fampakaram-bady, ary dia narindrina ny varavarana.11 Ary rehefa afaka izany, dia tonga kosa ireo virijina teo ka nanao hoe Tompoko, tompoko, vohay izahay.12 Fa izy namaly hoe: Lazaiko aminareo marina tokoa: Tsy fantatro hianareo.13 Koa amin' izany miambena hianareo, fa tsy fantatrareo na ny andro na ny ora."

Hira : 485 FFPM and 4,5 « Moa Jesosy ve tsy ahy? Rain'ny mandrakizay»

Vavaka :

→Fametrahana ny fiainan'ny tsirairay – ny isan-tokantrano eo ambany fanjakan'ny Fanahy Masina.

→Vavaka ho an'ny Fiangonana mba hiambina - hanana fiainam-bavaka sy fifikirana amin'ny Tenin'Andriamanitra.

Vavaka (Mpitandrina)

Vakiteny 3: Mat 25, 31-33

"31 Ary raha tonga ny Zanak' olona amin' ny voninahiny, arahin' ny anjely rehetra, dia hipetraka eo ambonin' ny seza fiandrianan' ny voninahiny Izy;32 ary ny firenena rehetra hangonina eo anatrehany, dia hanavaka azy Izy, tahaka ny mpiandry ondry manavaka ny ondry amin' ny osy;33 ary hametraka ny ondry eo amin' ny ankavanany Izy, fa ny osy eo amin' ny ankaviany."

Hira : 351 FFPM and 1 "Tsy hangina re ny hoby noho ianao ry Ziona"

Vakiteny 4: Mat 25, 34-46

"34 Ary amin' izany ny Mpanjaka dia hilaza amin' izay eo amin' ny ankavanany hoe: Avia hianareo izay notahin' ny Raiko, mandovà ny fanjakana izay voavoatra ho anareo hatrizay nanorenana izao tontolo izao;35 fa noana Aho, dia nomenareo hanina; nangetaheta Aho dia nampisotroinareo; nivahiny Aho, dia nampiantranoinareo;36 tsy nanan-kitafy Aho, dia notafianareo; narary Aho, dia notsaboinareo; tao an-trano-maizina Aho, dia novangianareo.37 Ary dia hamaly Azy ny marina ka hanao hoe: Tompoko, oviana no hitanay noana Hianao ka nomenay hanina, na nangetaheta ka nampisotroinay?38 Ary oviana no hitanay nivahiny Hianao ka nampiantranoinay, na tsy nanan-kitafy ka notafianay? 39 Ary oviana no hitanay narary Hianao, na tao an-trano-maizina, ka novangianay?40 Dia hamaly ny Mpanjaka ka hanao aminy hoe: Lazaiko aminareo marina tokoa: Araka izay efa nataonareo tamin' ny anankiray amin' ireto rahalahiko kely indrindra ireto no nataonareo tamiko.41 Ary dia hilaza indray amin' izay eo amin' ny ankaviany kosa Izy hoe: Mialà amiko, hianareo izay voaozona, ho any amin' ny afo maharitra mandrakizay, izay voavoatra ho an' ny devoly sy ny anjeliny;42 fa noana Aho, fa tsy mba nomenareo hanina; nangetaheta Aho, fa tsy mba nampisotroinareo;43 nivahiny Aho, fa tsy mba nampiantranoinareo; tsy

nanan-kitafy Aho, fa tsy mba notafianareo; narary sy tao an-trano-maizina Aho, fa tsy mba novangianareo.44 Ary dia hamaly kosa ireo hoe: Tompoko, oviana no hitanay noana Hianao, na nangetaheta, na nivahiny, na tsy nanan-kitafy, na narary, na tao an-trano-maizina, ka tsy mba nanompo Anao izahay?45 Fa hamaly azy Izy ka hanao hoe: Lazaiko aminareo marina tokoa: Araka izay tsy nataonareo tamin' ny anankiray amin' ireto kely indrindra ireto no tsy mba nataonareo tamiko.46 Ary ireo dia hiala ho any amin' ny fampijaliana mandrakizay; fa ny marina ho any amin' ny fiainana mandrakizay."

Hira: 351 FFPM and 2 "Voninahi-panjakana isaloranao"

Vavaka:

→Vavaka ho an'ireo mijaly sy ory amin'izao fiainana izao – ho an'ireo tsy manan-kohanina – tsy manan-kialofana – ho an'ireo marary – ireo any an-tranomaizina - ireo azon'ny manjo sns.

→Vavaka ho an'ny Fiangonana manerana ny tany (isan'izay ny FPMA) mba ho vavolombelon'ny Tompo tsy amin'ny teny ihany fa amin'ny asa koa (asa fiantrana sns).

Vavaka (Mpitandrina)

Hira : 351 FFPM and 3 "O! ry mpiambina tinendry"

Vavaka :

→fankalazana ny Tompo fa lehibe loatra ny fitiavany: manondro anao ho toy ny tenany Izy.

→Hetaheta manokana

Vavaka (Mpitandrina) + « Rainay izay any an-danitra... »

Hafatra :

"Isaorana anie Andriamanitra, Izay manome antsika ny fandresena amin' ny alalan' i Jesosy Kristy Tompontosika." (1 Kor 15, 57)

Tsodrano :

« Ho aminareo rehetra anie ny fahasoavan' i Jesosy Kristy Tompo sy ny fitiavan' Andriamanitra Ray ary ny firaisana amin' ny Fanahy Masina. » (2 Kor 13, 14)

Mpitarika: Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadanan'ny Tompo. Amena.